

香勇

盧

閒

譜詰





譜

香

撰 芻 洪

編主五雲王

編初成集書叢

種一他其及譜香

中華民國二十六年六月初版

發行人

王

上海河南路

雲

五

印刷所

商務印書館

上海河南路

印書館

發行所

商務印書館

上海及各埠

印書館

(本書校對者 董文淵 徐鼎銘)

大

七七八四

六



叢書集成

初編

主編者
王雲五

商務印書館發行

本館據學津討原
本排印初編各叢
書僅有此本

四庫全書提要

香譜二卷。舊本不著撰人名氏。左圭百川學海題爲宋洪芻撰。芻字駒父。南昌人。紹聖元年進士。靖康中。官至諫議大夫。謫沙門島以卒。所作香譜。宋史藝文志著錄。周紫芝太倉稊米集。有題洪駒父香譜後曰。歷陽沈諫議家。昔號藏書最多者。今世所傳香譜。蓋諫議公所自集也。以爲盡得諸家所載香事矣。以今洪駒父所集觀之。十分未得其一二也。余在富川作妙香寮。永興郭元壽賦長篇。其後貴池丞劉君穎。與余凡五賡其韻。往返十篇。所用香事頗多。猶有一二事。駒父譜中不錄者。云云。則當時推重芻譜。在沈立譜之上。然晁公武讀書志稱芻譜集古今香法。有鄭康成漢宮香。南史小宗香。眞誥嬰香。戚夫人迫駕香。唐員半千香。所記甚該博。然通典載歷代祀天用水沈香。獨遺之。云云。此本有水沈香一條。而所稱鄭康成諸條。乃俱不載。卷數比通考所載芻譜亦多一卷。似非芻作。沈立譜久無傳本。書錄解題有侯氏萱堂香譜二卷。不知何代人。或卽此書耶。其書凡分四類。曰香之品。香之異。香之事。香之法。亦頗賅備。足以資考證也。

香譜目錄

卷上

香之品

龍腦香
蘇合香
薰陸香
乳香
降真香
茅香花
白眼香
蘭香
白膠香
必粟香
耕香

麝香
安息香
詹糖香
青桂香
艾蒨香
馥香
葉子香
芳香
都梁香
兜婁香
木蜜香

沉水香
鬱金香
丁香
雞骨香
甘松香
黃熟香
雀頭香
藿香
甲香
藕車香
迷迭香

白檀香
雞舌香
波律香
木香
零陵香
水盤香
芸香
蕙香
白茅香
兜納香

香之異

都夷香

振靈香

龜甲香

茵墀香

威香

薰肌香

罽賓國香

飛氣香

兜婁婆香

羯布羅香

茶蕪香

千畝香

兜末香

石葉香

百濯香

蘅蕪香

拘物頭花香

金磬香

多伽羅香

薝蔔花香

辟寒香

十里香

沉光香

鳳腦香

龍文香

九和香

昇霄靈香

五香

大象藏香

月支香

醋齊香

沉榆香

紫朮香

千步香

九真雄麝香

祇精香

千和香

牛頭旃檀香

卷下

香之事

述香

香市

國香

薰爐

香序

懷香

香尉

香戶

香洲

披香殿

採香徑

啗香

愛香

含香

竊香

香囊

沉香牀

金爐

博山香爐

被中香爐

沉香火山

檀香亭

沉香亭

五色香煙

香珠

金香

鵲尾香爐

百刻香

水浮香

香篆

焚香讀孝經

防蠹

香溪

牀畔香童

四香閣

香界

香嚴童子

天香傳

香爐詩

博山香爐詩

博山香爐賦

薰爐銘

香爐銘

古詩

香之法

蜀王薰御衣法

李王帳中香法

唐化度寺牙香法

雍郎中牙香法

延安郡公藥香法

供佛濕香法

牙香法一

牙香法二

牙香法三

牙香法四

牙香法五

牙香法六

印香法一

印香法二

傅身香粉法

梅花香法

衣香法

龍腦丸法

毬子香法

窰香法

薰衣法

造香餅子法

香餅一

香餅二

香餅三

香餅四

香餅五

香餅六

香餅七

香餅八

香餅九

香餅十

香餅十一

香餅十二

香餅十三

香餅十四

香餅十五

香餅十六

香餅十七

香餅十八

香餅十九

香餅二十

香餅二十一

香餅二十二

香餅二十三

香餅二十四

香餅二十五

香餅二十六

香餅二十七

香餅二十八

香餅二十九

香餅三十

香餅三十一

香餅三十二

香餅三十三

香餅三十四

香餅三十五

香餅三十六

香餅三十七

香餅三十八

香餅三十九

香餅四十

香餅四十一

香餅四十二

香餅四十三

香餅四十四

香餅四十五

香餅四十六

香餅四十七

香餅四十八

香譜卷上

宋 洪 芻撰

香之品

龍腦香

酉陽雜俎云。出波律國。樹高八九丈。可六七尺圍。葉圓而背白。其樹有肥瘦。形似松脂。作杉木氣。乾脂謂之龍腦香。清脂謂之波律膏。子似豆蔻。皮有甲錯。海藥本草云。味苦辛。微溫。無毒。主內外障眼。三蟲。療五痔。明目。鎮心。祕精。又有蒼龍腦。主風疹。黥入膏煎良。不可點眼。明淨如雪花者善。久經風日。或如麥麩者不佳。云合黑豆糯米相思子貯之。不耗。今復有生熟之異。稱生龍腦。卽上之所載是也。其絕妙者。曰梅花龍腦。有經火飛結成塊者。謂之熟龍腦。氣味差薄焉。蓋易入他物故也。

麝香

唐本草云。生中臺川谷。及雍州益州皆有之。陶隱居云。形似麝。常食柏葉。及噉蛇。或於五月得者。往往有蛇皮骨。主辟邪。殺鬼精。中惡。風毒。療傷。多以一子真香。分糝作三四子。刮取血膜。雜以餘物。大都亦有精麝。破皮毛共在裏中者爲勝。或有夏食蛇蟲。多至寒香滿。入春患急痛。自以腳剔出。人有得之者。此香絕勝。帶麝。非但香辟惡。以香真者一子。着腦間枕之。辟惡夢。及尸疰鬼氣。今或傳有水麝。濟其香尤美。

沉水香

唐本草注云。出天竺單于二國。與青桂雞骨鬻香同是一樹。葉似橘。經冬不彫。夏生花。白而圓細。秋結實。如檳榔。色紫似葚。而味辛。療風水毒腫。去惡氣。樹皮青色。木似檉柳。重實黑色。沉水者。是。今復有生黃而沉水者。謂之蠟沉。又其不沉者。謂之生結。又拾遺解紛云。其樹如椿。常以水試。乃知。餘見下卷天香傳中。

白檀香

陳藏器云。本草拾遺曰。樹如檀。出海南。主心腹痛。霍亂。中惡。鬼氣。殺蟲。又唐本草云。味鹹。微寒。主惡風毒。出崑崙盤盤之國。主消風積。水腫。又有紫真檀。人磨之。以塗風腫。雖不生於中華。而人間遍有之。

蘇合香

神農本草云。生中臺川谷。陶隱居云。俗傳是師子糞。外國說不爾。今皆從西域來。真者難別。紫赤色。如紫檀堅實。極芬香。重如石。燒之灰白者佳。主辟邪瘡癩疔。去三蟲。

安息香

本草云。出西戎。似柏。脂黃黑色。爲塊。新者亦柔軟。味辛苦。無毒。主心腹惡氣。鬼疔。酉陽雜俎曰。安息香。出波斯國。其樹呼爲辟邪樹。長三丈許。皮色黃黑。葉有四角。經冬不彫。二月有花。黃色。心微碧。不結實。刻皮出膠如飴。名安息香。

鬱金香

魏略云生大秦國。二三月花如紅藍。四五月採之。其香十二葉。爲百草之英。本草拾遺曰。味苦無毒。主蟲毒。鬼疰。鴆鵠等臭。除心腹間惡氣。鬼注。入諸香用。說文曰。鬱金芳草。煮以釀鬯。以降神也。

雞舌香

唐本草云。生崑崙及交愛以南。樹有雌雄。皮不並以栗。其花如梅。結實似棗核者。雌樹也。不入香用。無子者。雄樹也。採花釀以成香。微溫。主心痛。惡瘡。療風毒。去惡氣。

薰陸香

廣志云。生南海。又僻方法曰。卽乳香也。海藥本草云。味平溫。無毒。主清人神。其香樹一名馬尾。香是樹皮。鱗甲採之復生。又唐本草注云。出天竺國及邯鄲。似楓松。脂黃白色。天竺者多白。邯鄲者夾綠色。香不甚烈。微溫。主伏尸惡氣。療風水腫毒惡瘡。

詹糖香

本草云。出晉安岑州及交廣以南。樹似橘。煎枝葉爲之。似糖而黑。多以其皮及蠹糞雜之。不得淳正者。惟軟乃佳。

丁香

山海經曰。生東海及崑崙國。二三月花開。七月方結實。開寶本草注云。生廣州。樹高丈餘。凌冬不凋。葉似櫟。而花圓細。色黃。子如丁。長四五分。紫色。中有籠大長寸許者。俗呼爲母丁香。擊之。則順理而折。味辛。

主風毒諸腫。能發諸香。及止乾霍亂嘔吐。驗。

波律香

本草拾遺曰。出波律國。與龍腦同樹之清脂也。除惡氣。殺蟲疰。見龍腦香。卽波律膏也。

乳香

廣志云。卽南海波斯國松樹脂。有紫赤櫻桃者。名乳香。蓋薰陸之類也。仙方多用辟邪。其性溫。療耳聾。中風口噤。婦人血風。能發酒。治風冷。止大腸洩。辟療諸瘡癩。令內消。今以通明者爲勝。目曰的乳。其次曰揀香。又次曰瓶香。然多夾雜成大塊。如瀝青之狀。又其細者。謂之香纏。

青桂香

本草拾遺曰。卽沉香同樹細枝。緊實未爛者。

雞骨香

本草拾遺記曰。亦馘香中形似雞骨者。

木香

本草云。一名蜜香。從外國舶上來。葉似薯蕷而根大。花紫色。功效極多。味辛溫而無毒。主辟溫。療氣劣。氣不足。消毒殺蟲毒。今以如雞骨堅實。齧之粘齒者爲上。復有馬兜苓根。謂之青木香。非此之謂也。或云有二種。亦恐非耳。一謂之雲南根。

降眞香

南州記曰。生南海諸山。又云。生大秦國。海藥本草曰。味溫平。無毒。主天行時氣。宅舍怪異。並燒之。有驗。仙傳云。燒之感引鶴降。醮星辰。燒此香。甚爲第一。小兒帶之。能辟邪氣。其香如蘇方木。然之初不甚香。得諸香和之。則特美。

艾蒨香

廣志云。出西國。似細艾。又云。松樹皮綠衣。亦名艾蒨。可以合諸香燒之。能聚其煙。青白不散。本草拾遺曰。味溫。無毒。主惡氣。殺蛀蟲。主腹冷洩痢。

甘松香

本草拾遺曰。味溫。無毒。主鬼氣。卒心。腹痛脹滿。浴人身。令香。叢生。葉細。廣志云。甘松香生涼州。

零陵香

南越志云。一名燕草。又名薰草。生零陵山谷。葉如羅勒。山海經曰。薰草似麻。葉方。莖氣如蘼蕪。可以止癘。卽零陵香。味苦。無毒。主惡氣。注心。腹痛。下氣。令體香。和諸香。或作湯丸。用。得酒良。

茅香花

唐本草云。生劍南諸州。其莖葉黑褐色。花白。非白茅也。味苦溫。無毒。主中惡。溫胃。止嘔吐。葉苗可煮湯浴。辟邪氣。令人香。

馥香

本草拾遺曰亦沉香同樹以其肌理有黑脈者謂之也。黃熟香亦馥香之類也。但輕虛枯朽不堪者。今和香中皆用之。

水盤香

類黃熟而殊大。多雕刻為香山佛像。並出舶上。

白眼香

亦黃熟之別名也。其色差白。不入藥品。和香或用之。

葉子香

即馥香之薄者。其香尤勝於馥。又謂之龍鱗香。

雀頭香

本草云。即香附子也。所在有之。葉莖都似三稜。根若附子。周匝多毛。交州者最勝。大如棗核。近道者如杏仁許。荆襄人謂之莎草。根大。下氣除胸腹中熱。合和香用之尤佳。

芸香

倉頡解詁曰。芸蒿似邪蒿。可食魚豢。典略云。芸香辟紙魚蠹。故藏書臺稱芸臺。

蘭香

川本草云。味辛平。無毒。主利水道。殺蟲毒。辟不祥。一名水香。生大吳池澤。葉似蘭。尖長有岐。花紅白色而香。煮水浴以治風。

芳香

本草云。卽白芷也。一名茝。又名薰。又曰莧。又曰符離。又名澤芬。生下濕地。河東川谷尤佳。近道亦有。道家以此香浴去尸蟲。

藿香

本草云。卽杜衡也。葉似葵。形如馬蹄。俗呼爲馬蹄香。藥中少用。惟道家服。令人身香。

蕙香

廣志云。蕙草綠葉紫花。魏武帝以爲香燒之。

白膠香

唐本草注云。樹高大。木理細。莖葉三角。商洛間多有。五月斫爲坎。十一月收脂。開寶本草云。味辛苦。無毒。主癰疹。風痒。浮腫。卽楓香脂。

都梁香

荊州記曰。都梁縣有山。山上有水。其中生蘭草。因名都梁香。形如霍香。古詩曰。博山鑪中百和香。鬱金蘇合及都梁。廣志云。都梁出淮南。亦名煎澤草也。